



«Նոր ժամանակի կրթություն» ՀԿ

ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ

ԱՎԱՐՏԱԿԱՆ ՀԵՏԱԶՈՏԱԿԱՆ
ԱՇԽԱՏԱՆՔ

Հետազոտության թեման՝ Բնապահպանությունը որպես
մարդկության գլխավոր հիմնախնդիր, կրթությունը և
դաստիարակությունը դպրոցում

Առարկան՝ Կենսաբանություն

Հետազոտող ուսուցիչ՝ Կոստանյան Թամարա

Ուսումնական հաստատություն՝ Պ. Սևակի անվ. հ. 123
հիմնական դպրոց

Երևան 2023

Բովանդակություն

Ներածություն 3

Գլուխ 1

Անձի, անհատի կյանքում կրթության և դաստիարակության դերն ու նշանակությունը

1.1 Որպես հասարակության լիարժեք անդամ ` դաստիարակության կարևորությունը անձի կյանքում 5

1.2 Դաստիարակությունն ու կրթությունը , որպես սերտ կապակցված օղակներ.....9

1.3 Բնապահպանությունը կրթական ոլորտում.....12

Գլուխ 2

Բնապահպանությունը որպես մարդկության գլխավոր հիմնախնդիր
..... 14

Եզրակացություն.....19

Գրականության ցանկ.....20

Ներածություն

Թեմայի արդիականությունը.

Կրթությունը և դաստիարակությունը մանկավարժական գիտությունների համակարգի կարևոր բաղադրատարրերից են: Դրանք ուսումնասիրում և ընգծում են կրթության և դաստիարակության կարևորությունն ու անհրաժեշտությունը անհատի կյանքում, ինչպես նաև անձի ճիշտ և գրագետ զարգացման օրինաչափությունները: Կրթությունն ու դաստիարակությունը սերտորեն կապված և միմյանց լրացնող երկու օղակներ են. երկու կարևորագույն օղակներ, որոնց հիմքում ընկած է անձի ձևավորումը, որպես հասարակության լիիրավ անդամ: Դառնալ և լինել հասարակության « ներկայացուցիչ » նշանակում է տիրապետել և իմանալ բոլոր գործոններին ու կանոններին, որը կդարձնի քեզ ոչ միայն հասարակության այլ նաև արտաքին միջավայրի պահպանման և զարգացման արդյունավետ ու պիտանի անձ: Ի՞նչ ենք հասկանում ասելով լինել պիտանի անձ. կարևորել և առանձնացնել այն գործոնները, որոնք կնպաստեն արտաքին միջավայրի, առաջնահերթ, պահմանմանը, ինչպես նաև զարգացմանը, «օգնել», որպեսզի զարգացումը լինի ճիշտ և նպատակաուղղված: Բնապահպանությունը այսօր արդի համաշխարհային խնդիրներից է: Հաշվի առնելով շրջակա միջավայրը՝ կան որոշ բնապահպանական խնդիրներ, որոնց բախվում կամ կարող են հանդիպել կենդանի արարածները: Այս խնդիրների թվում է ավելորդ աղտոտվածությունը, օդի, հողի և ջրի աղտոտվածությունը լուրջ խնդիր է:

Բացի այդ, օգոնային շերտի քայքայումը, երկիր մոլորակի օրեցօր տաքանալը, քաղցկեղի նման կարևոր հիվանդությունների ավելացումը և բնական ռեսուրսների արագ սպառումը կենդանի էակների առջև ծառայած բնապահպանական խնդիրներն են:

Այսօր, Հայաստանի գլխավոր խնդիրներից մեկը նաև հանդիսանում է Սևանա լճի հիմնախնդիրը, որի շուրջ պետք է տանել լուրջ աշխատանքներ՝ պահպանելու համար Հայաստանի ամենագեղեցիկ և տեսարժան վայրերից մեկը: Հիմնվելով վերոհիշյալ նկատառումների վրա՝ սահմանեցինք աշխատանքի նպատակը:

Թեմայի նպատակը.


Թեմայի նպատակն է ընդգծել կրթության և դաստիարակության կարևորությունը յուրաքանչյուր անձի, անհատի կյանքում: Ուսումնասիրել և առանձնացնել բնապահպանական կարևորագույն խնդիրները, ինչպես նաև գտնել դրանց լուծման տարբերակները: Նշել անձի կարողությունը, որպես արտաքին միջավայրի գլխավոր, ազդող գործոն և առանձնացնել, դրանում կրթության և դաստիարակության դերը :

Գլուխ 1

Անձի, անհատի կյանքում կրթության և դաստիարակության դերն ու նշանակությունը.

1.1 Որպես հասարակության լիարժեք անդամ՝ դաստիարակության կարևորությունը անձի կյանքում:

Դաստիարակություն՝ որոշակի տեխնոլոգիաների համակարգ, որն ուղղված է երեխայի անձի նպատակաուղղված ձևավորմանը: Հասարակական, արտադրական, մշակութային կյանքին նախապատրաստելու համար: Դաստիարակությունը համարվում է ուսումնական գործընթացի ոչ միայն բաղկացուցիչ մաս այլ անհրաժեշտություն ուսումնական գործընթացը նպատակային արդյունավետությամբ իրականացնելու համար: Դաստիարակությունը իրականացվում է ընտանիքի և դպրոցի համատեղ գործունեության ընթացքում, նախադպրոցական և արտադպրոցական հաստատություններում, հիմնարկություններում, մանկական, երիտասարդական, հասարակական կազմակերպություններում: Դաստիարակությունը հասարակական կյանքի համընդհանուր անհրաժեշտ կատեգորիա է, որը սերտորեն կապված է ուսուցման հետ: Մեր օրերում՝ ներկա ժամանակներում, շատ հաճախ է խոսվում դաստիարակության մասին[5]:



Ընտանեկան դաստիարակության գերագույն նպատակը մարդ կերտելու

գործնաբան է, ոչ սուկ իբրև ֆիզիկական գոյություն, այլ որպես բարոյական հատկանիշների ու առաքինությունների համախմբում:

Հասարակական դաստիարակության նպատակը, այն է, որ անձը կարողանա կիսել իր կարծիքը նաև հասարակության այլ անդամների հետ, ինչու ոչ նաև հաշվի առնել և ընդունել հասարակության հնչեցրած կարծիքներն ու տեսակետերը:

Այսօր աճող սերնդի դաստիարակության գործն ընթանում է տարբեր հանգամանքների ազդեցության ներքո՝ ժողովրդագրական, ազգային, մշակութային, ընտանեկան, կրթական, հասարակական, սոցիալական և այլն: Հաշվի առնելով բազմաթիվ այս և այլ հանգամանքներ՝ ժամանակակից մանկավարժության համար խնդիր է դառնում սովորողների ազգային գիտակցության ձևավորումը սեփական ժողովրդի պատմության ու մշակույթի հենքի վրա՝ չանտեսելով համամարդկային արժեքները: Կրելով վերոնշյալ և այլ հանգամանքների ներգործությունը, ընտրությամբ յուրացնելով դրանց ազդեցությունը՝ աշակերտը հաղորդակցվում է հասարակական մշակույթին և ձևավորվում իբրև ստեղծագործական անհատականություն:

Ընդ որում՝ կրթական տարբեր աստիճաններում աշակերտն ունենում է աշխարհի նկատմամբ վերաբերմունքի տարբեր դրսևորումներ և հարաբերություններ: Աշակերտի արժեքների ձևավորման վրա ազդող գործոններից են ավանդական միջոցները, այսինքն՝ աշակերտի մեջ աշխարհի նկատմամբ վերաբերմունքի և հասարակության հետ հարաբերության, սեփական անձի նկատմամբ վերաբերմունքի ձևավորումը ընտանիքի և սոցիալական միջավայրի միջոցով: Սակայն սովորողների կողմից այդ միջավայրին բնորոշ արժեքների, կանոնների, չափանիշների, հայացքների յուրացումը միշտ չէ, որ համապատասխանում է հասարակության կողմից ընդունված արժեքներին և խրախուսելի չափանիշներին[8]:

Դաստիարակությունը. դա գործնաթաց է, որը ունի իր խնդիրները, նպատակները.

Դաստիարակության գործնաթացը, ունի շատ բարդ կառուցվածք.

- Դաստիարակության նպատակի առկայություն, այդ նպատակին հասնելու համար համապատասխան խնդիրների, առաջադրում և լուծում.
- Դաստիարակության բովանդակությունը որը իր մեջ ընդգրկում է մեթոդները, հնարները միջոցները.
- Դաստիարակության գործընթացի արդյունավետությունը և արդյունքները:

Դաստիարակությունը հանրակրթության կարևորագույն բաղադրիչներից մեկն է և հենց դպրոցին և ուսուցչին է բաժին ընկնում դաստիարակչական գործընթացի զգալի բաժինը: Դաստիարակչական համակարգի նպատակն է՝ օգնել երեխային արդյունավետ կերպով հարմարվել աշխարհում անընդհատ տեղի ունեցող փոփոխություններին, բարեխիղճ և համարժեք կերպով արձագանքել շրջապատում տեղի ունեցող երևույթներին, նպատակաուղղել երեխայի արժեքային համակարգի ձևավորումը, զարգացնել սովորողների ճանաչողական ակտիվությունը, աշակերտի մոտ ձևավորել հարգալից վերաբերմունք լեզվի, մշակույթի և ազգային ավանդույթների նկատմամբ՝ դարձնելով նրան այդ արժեքների կայուն կրող, յուրաքանչյուր անհատի մոտ ստեղծել ինքնակատարելագործման ներքին պահանջ[3]:

Մաթեոս Մամուրյանը, ով հայտնի է, որպես հրապարակախոս, գրող, գրականագետ անդրադարձել է երեխայի դաստիարակության դերին , իսկ դաստիարակության հաջողությունը նա տեսնում էր երեխայի անձը ճանաչելու մեջ: Անդրադառնալով մանկան կերպարի ձևավորման գործում դաստիարակության դերին՝ Մ. Մամուրյանը նշում է «Չկա գործ մը, որ այնքան կշիռ ունենա, որքան դաստիարակությունը»: Բայց նա չի գերազնահատում դրա դերը, քանզի «Դաստիարակությունը իմացական կարողություններ չտար, չստեղծեր, այլ միայն դուրս կհաներ և կմարզեր», պետք է ճանաչել փոքրիկին և «դուրս հանել ու մարզել». բացահայտել հնարավորություններն ու կարողությունները, եթե ի վիճակի չեն բացահայտելու, ապա հանցանքը վատ դաստիարակությունն է, անկարող դաստիարակինը և ոչ ամենևին երեխայինը»:

Ծնողին հավասար Ղևոնդ Ալիշանը (ակնավոր բանասեր, բանասէղծ, պատաբան) կարևորում է «երկրորդ ծնողի»՝ ուսուցչի դերը երեխայի անձը ձևավորելու, զարգացնելու և նրան դաստիարակելու գործում: Նա գտնում է, որ ուսուցիչը պետք է լինի կրթող, ուսուցանող, դաստիարակող, ունենա առարկայական պատրաստություն, մանկավարժական վարպետություն, ազնվություն, անաչառություն, պահանջկոտություն, համբերատարություն, սեր ու հոգատարություն երեխաների նկատմամբ: Պատահական չէ, որ Ղևոնդ Ալիշանի գիտական աշխատությունների հիմնական մասը դասագրքային նշանակություն են ունեցել: Այդ է պատճառը, որ մեր գրեթե բոլոր մեծերը. առանց բացառության Ղևոնդ Ալիշանի գովերգել են որպես խոշոր գիտնական և մանկավարժական գիտության նահապետի[1]:


Լավ անհատ, անձ ձևավորելու, դաստիարակելու կարևոր նախապայմաններից մեկը դա շրջակա միջավայրի հանդեպ սեր հաղորդելն է, խնամքով մոտեցումն է:

Երբ մենք բարկանում ենք երեխայի վրա , երբ նա թափում է խաղալիքները, բայց հաջորդ դեպքում դրսում աղբը գետնին գցելու ժամանակ անտարբեր լինում, դա արդեն իսկ խոսում է արտաքին և շրջակա միջավայրի հանդեպ սխալ դաստիարակության մասին:

Այսպիսով, դաստիարակելու գործընթացը պետք է տարածվի, ոչ միայն անձի << ես>>-ի զարգացման նպատակով, այլև հասարակության և շրջակա միջավայրի համար պիտանի անձ ձևավորելու համար[7]:

1.2 Դաստիարակությունն ու կրթությունը , որպես սերտ կապակցված օղակներ:

Առաջին ենթագլխում բավականին մանրամասն խոսեցինք անձի կյանքում դաստիարակության դերի և կարևորության մասին: Երբ արդեն երեխան սկսում է հաճախել դպրոց դաստիարակությունն ու կրթությունը, ինքնըստինքյան, դառնում են իրար համագոր երկու կողմեր : Չնայած նրան, որ մեր խոսքում, այդ շրջանում, գերակշռում է կրթություն բառը, սակայն լավ և ամուր կրթության հիմքում ընկած է, միանշանակ, դաստիարակությունը: Այնուամենայնիվ, կրթության դերը անձի կյանքում գտնվում է առաջատար շարքերում և այն հանդիսանում է հենք հետագայում ավելի ամուր կերպով առաջ շարժվելուն: Ի՞նչ ենք հասկանում ասելով կրթություն: Կրթությունը սովորելն ավելի դյուրին դարձնելու գործընթացն է, կամ գիտելիքի, հմտությունների, արժեքների, ավանդույթների և սովորությունների ձեռքբերումն է: Կրթական մեթոդները ներառում են պատմություն պատմելը, քննարկումը, սովորեցնելն ու մարզելը կամ հետազոտությունը[11]:Անձը, իր ամբողջ կյանքի ընթացքում անցնում է կրթական տարբեր մակարդակներով՝ սկսած նախադպրոցական կրթությունից մինչև բարձրագույն կրթություն:



1.3 Բնապահպանությունը կրթական ոլորտում

Էկոլոգիական գիտակցության ձևավորումը դպրոցի կարևոր խնդիրներից մեկն է, որը ձևավորում է բարոյական մշակույթը և անխուսափելիորեն անդրադառնում է անհատի բնապահպանական կրթության վրա: Այն նաև խթան է հանդիսանում էկոլոգիական գիտակցության զարգացման համար: Բնապահպանական կրթության ծրագիրը սովորողների համար հանդիսանում է կոնկրետ մարմնավորում, որը էկոլոգիական դաստիարակության հետ կապված ուսումնական պրակտիկան է, որն իրականանում է դպրոցներում: Բացի ծրագրի բովանդակության հիմնական հասկացություններից և արժեքներից, ներկայիս մոդելը արժեքավորվում է նաև առաջնային գործունեությամբ՝ կրթական վիճակ, լավագույն փորձ, տեխնիկա, ձևեր, գործիքներ, արտադրական տեխնոլոգիաների առանձնահատկություններ:

Բնապահպանական կրթության նպատակն է զարգացնել պատասխանատու վերաբերմունք շրջակա միջավայրի նկատմամբ, որի կառուցվածքի հիմքը

բնապահպանական գիտակցության զարգացումն է: Սա ենթադրում է, որ բարոյական և բնապահպանական սկզբունքները բնության կառավարման և խթանման գաղափարների օպտիմալացման, ակտիվ ուսումնասիրության արդյունք է: Ճիշտ օգտագործելով տարբեր ուսուցման մեթոդներ՝ դաստիարակում ենք էկոլոգիապես գրագետ և ազնվաբարո մարդ: Անհրաժեշտ է նաև ուսուցանել ամենահարմար մեթոդները՝ վերլուծելու և կարևորելու բնապահպանական արժեքները, շահերն ու կարիքները, նկարչության փորձերի և բնապահպանական դիտարկումների, դասավանդողի հետզրույցների, փաստերի, գործիչների կարծիքների միջև համեմատություն անցկացնելով՝ կառուցել սեփական վերաբերմունք խնդիրների նկատմամբ[10]:

Հատկանշական է նշել, որ ամբողջ ուսուցանվող տարիների ընթացքում՝ նախադպրոցական կրթությունից մինչև բարձրագույն կրթություն, երեխաները ուսումնասիրում և զինվում են ոչ միայն ուսման այլև կյանքի որակի ապահովման համար անհրաժեշտ գիտելիքներով, որը վերբերում է շրջակա միջավայրի պահպանմանը՝ բնապահպանությանը: Օրինակ, նախադպրոցական տարիքում՝ մանկապարտեզում, այդ ամենը երեխաներին ուսուցանվում է խաղային տարբերակով, որը իր մեջ ներառում է ոչ միայն դիդակտիկ խաղերը, այլև թերապևտիկ հեքիթները կամ ուղղակի ընթերցանության միջոցով բնության և դրա պահպանման մասին տեղեկատվության տրամադրմամբ և այն, հետագայում, քննարկաման տարբերակով: Իսկ տարրական դասարներում երեխաները բնապահպանությանը և դրա գործառույթներին ծանոթանում են «Ես և շրջակա միջավայրը» առարկայի շրջանակներում: Տարրական դպրոցը ավարտելուն պես «Ես և շրջակա միջավայրը» առարկային գալիս է փոխարինելու «Բնագիտություն» առարկան, իսկ ավելի բարձր դասարաններում, արդեն, «Կենսաբանություն» առարկան: Այս ամենով ցանակնում ենք ընդգծել այն փաստը, որ անձը՝ երեխան, իր կյանքի կրթական տարբեր փուլերում, մանրամասնորեն, ուսումնասիրում է բնությունը՝ իր բոլոր գաղտիքներով, գեղեցկությամբ և իհարկե այն ճիշտ և գրագետ պահպանելու կանոնները[8]:

Գլուխ 2

Բնապահպանությունը որպես մարդկության գլխավոր հիմնախնդիր

Բնապահպանությունը, երկիր մոլորակի բնական ռեսուրսների պահպանման, վերականգնման և ռացիոնալ օգտագործման չափերի ամբողջությունն է, ինչպես նաև ֆլորայի ու ֆաունայի բազմազանությունը, ընդերքի հարստությունը, ջրերի և մթնոլորտային օդի մաքրությունը:

Երկրի առանձին շրջաններում բնական միջավայրի անշրջելի փոփոխությունների վտանգը ավելի է ընդարձակվել մարդու տնտեսական գուծունեության մասշտաբների հետ մեկտեղ: Բնապահպանության համաշխարհային միության տվյալներով (The World Conservation Union) 2008 թ. վերջին 500 տարում ամբողջովին բնաջնջվել են կենդանիների 844 տեսակ, իսկ կաթնասունների 23%-ը և թռչունների 16%-ը կանգնած են վերացման վտանգի առաջ: 80-ականների սկզբին միջինում կենդանիները վերանում էին ամեն օր մեկ տեսակ /ենթատեսակ, իսկ բույսերը ամեն շաբաթ: Ամեն տարի այրվում են համարյա 1 մլրդ. տոննա պայմանական վառելիք և մթնոլորտ են արտանետվում միլիոնավոր տոննա ծծմբի ածխածնի, ազոտի օքսիդներ, որոնց մի մասը հետ է վերադառնում թթվային անձրևների, մրի, մոխրի, փոշու: Հողը և ջուրն աղտոտվում են արդյունաբերական և կենցաղային հոսքերի (հարյուրավոր միլիարդ տոննա), նավթամթերքների (մի քանի միլիոն տոննա), պարարտանյութերի (մոտ հարյուր միլիոն տոննա), պեստիցիդների, ծանր մետաղների, ռադիոակտիվ թափոնների միջոցով[6]: Առկա է երկրի օգոնային շերտի քայքայման վտանգ: Մթնոլորտի ինքնամաքրման կարողությունն արդեն մոտ է սահմանին: Շրջակա միջավայրի անվերահսկելի փոփոխության վտանգը և դրա հետևանքով երկրի վրա կենդանի օրգանիզմների, այդ թվում և մարդու, գոյության վտանգը պահանջում էին բնության պահպանությանն ուղղված որոշակի չափանիշների մշակում՝ բնական ռեսուրսների ճիշտ օգտագործում:

Այս միջոցներին են դասվում անթափոն տեխնոլոգիաների մաքրման շինությունների ստեղծումը, պեստիցիդների օգտագործման կարգավորումը, թունաքիմիկատների արտադրության դադարեցումը, հողատարածքների բարելավում, ինչպես նաև պահպանվող տարածքների (ազգային պարկեր, արգելանոցներ), հազվագյուտ և անհետացող կենդանիների և բույսերի բուծման կենտրոնների (այդ թվում երկրի գենոֆոնդի պահպանում) ստեղծում, ազգային և համաշխարհային «Կարմիր գրքի» կազմում: Բնապահպանական միջոցները նախատեսված են հողային, անտառային, ջրային և այլ դաշնային օրենսդրություններում: Մի շարք երկրների պետական բնապահպանական ծրագրերի իրականացումը հնարավորություն է տալիս բարելավել շրջակա միջավայրի առանձին շրջանների որակը (օրինակ բազում տարիներ տևած և թանկ արժեք ունեցող մի ծրագրի իրականացման արդյունքում հնարավոր եղավ վերականգնել Մեծ լճերի ջրերի որակն ու մաքրությունը): Միջազգային մասշտաբով, միջազգային առանձին կազմակերպությունների ստեղծման հետ մեկտեղ, բնապահպանական առանձին խնդիրների վրա մեծ ազդեցություն ունի ՄԱԿ-ի ծրագիրը[11]:

Հայաստանը , այսօր, ևս գտնվում է բնապահպանական աղետի գոտում: Այսօր, մեր առաջատար բնապահպանական խնդիրներից մեկը Սևանա լճի պահպանումն է:

Սևանը Հայաստանի Հանրապետության միակ լիճն է, որը դասվում է խոշոր լճերի շարքին: Այն աշխարհի մեծ, բարձր-լեռնային, քաղցրահամ լճերից է: Այս երեք հատկանիշների միասնության պատճառով լիճը իսկապես հանդիսանում է տարածաշրջանի և մեր մոլորակի եզակի, ուշագրավ երևույթներից: Ցանկացած բնատարածքային համալիր իրենից ներկայացնում է բնության տարբեր տարրերի սերտ փոխկապակցվածություն:

Յուրաքանչյուր բաղադրիչի փոփոխություն հանգեցնում է մյուս բաղադրիչների՝ հետևաբար նաև ամբողջ համալիրի փոփոխությանը: Այդպիսի մի բնատարածքային համալիր է նաև Սևանա լիճը: Ջրի մակարդակի արհեստական իջեցումը հանգեցրել է մի շարք էկոլոգիական փոփոխությունների.

1. Լճի մակարդակի իջեցման հետևանքով իջել է նաև լիճ թափվող գետերի էրոզիայի բազիսը, ինչի հետևանքով մեծացել է գետերի քայքայիչ աշխատանքը և լճի հատակը լցվել է տիղմով:

2. Լճի մակարդակի իջեցման հետևանքով բարակել է լճի շերտի հաստությունը: այդ պատճառով Արեգակի ճառագայթները ափամերձ մասերով թափանցում են մինչև լճի խորքերը և տաքացնում են ջուրը: Դրա հետևանքով լճում սկսել են աճել կապտականաչ ջրիմուռներ, լիճը «ծաղկում» է, ինչը հանգեցնում է լճի ճահճացմանը և մահացմանը:

3. Վատացել են ձկների աճի և բազմացման պայմանները, փոփոխվել է նրանց քանակային և տեսակային կազմը:

4. Քանի որ կրճատվել է լճի հայելու մակերեսը, պակասել է գոլորշացող ջրի քանակը, փոխվել են լճի ավազանի միկրոկլիմայական պայմանները. Ամառը 1-2 աստիճանով ավելի շոգ է, ձմռանը՝ ավելի ցուրտ: այդ պատճառով լիճը ամեն տարի սառցակալում է:

5. Ցամաքել են շատ աղբյուրներ:

Ջրի մակարդակի իջեցումը նպաստավոր պայմաններ է ստեղծում լճի ճահճացման համար: Լճի ճահճացումը դանդաղեցնելու գործում մեծ դեր է խաղում նրա հատակին գտնվող 4C աստիճան հաստատուն ջերմաստիճան ունեցող ջրային շերտը: Այս շերտը թույլ չի տալիս, որ տիղմը խառնվի լճին, բայց, քանի որ, լճի ծավալը օրեցօր նվազում է, ապա խախտվում է նաև այս շերտի գործառույթները: Լճի տարածքում բացակայում են կառավարվող կենտրոնացած աղբավայրերը: Դրա հետևանքով առաջացել են աղբի կուտակման բազմաթիվ վայրեր: Մարդիկ աղբը թափում են գետերի ու առուների հունների մեջ: Հաճախակի են նաև ուղղակի արտանետումները լճի մեջ: Գաղտնիք չէ, որ Սևանա լիճ կեղտաջրեր լցվում են բոլոր ավազաններից, որոնք ոչ պակաս վտանգ են ներկայացնում լճի համար[2]:

Իսկ Հայաստանում ինչ վիճակում է կենդանական աշխարհը: Ինչպես այլ երկրներում, մեզ մոտ ևս բնապահպանության կանոններին չհետևելու հետևանքով բնությունից վերանում են շատ կենդանատեսակներ, որոնք գրանցվում են «Կարմիր գրքում» :

Կենդանիների Կարմիր գիրքը միջազգային պահանջները բավարարող համահավաք փաստաթուղթ է, որում գրանցվում են տեղեկություններ հազվագյուտ, անհետացող կենդանական տեսակների կարգավիճակի, աշխարհագրական տարածվածության, էկոլոգիական պայմանների, կենսաբանական առանձնահատկությունների, ներկա վիճակի և պահպանման միջոցառումների մասին: Կենդանիների Կարմիր գիրքը վարվում է հազվագյուտ և անհետացող կենդանական տեսակների և համակեցությունների հաշվառման, պահպանության, վերարտադրության, օգտագործման և գիտականորեն հիմնավորված հատուկ միջոցառումների մշակման և իրագործման, ինչպես նաև դրանց մասին բնակչությանը իրազեկելու նպատակով: Տեսակների վիճակի գնահատումը և կատեգորիաների որոշումը իրականացվել է միջազգային չափորոշիչների հիման վրա՝ «Բնության պահպանության միջազգային միության» դասակարգիչների կիրառմամբ[9]:

Հայաստանի Կարմիր գիրքը ներառում է 153 տեսակի ողնաշարավոր կենդանիներ, որոնցից՝ ոսկրային ձկներ (7 տեսակ), երկկենցաղներ (2 տեսակ), սողուններ (19տեսակ), թռչուններ (96տեսակ)և կաթնասուններ (29 տեսակ): Ներառված են նաև 155 տեսակի անողնաշար կենդանիներ, այդ թվում՝ 16 տեսակի փորոտանիներ և 139 տեսակի միջատներ:

Անողնաշար կենդանիների ուսումնասիրությունը Հայաստանում բացահայտել է շուրջ 316 էնդեմիկ և 300-ից ավելի հազվագյուտ ու անհետացող տեսակներ: Հայաստանում հանդիպում են 53 տեսակի սողուններ, որոնցից շատերը Հայկական լեռնաշխարհի և կովկասյան ֆաունայի էնդեմիկներ են և վտանգված են: Չնայած թռչունների կազմում բացակայում են էնդեմիկ տեսակներ, սակայն թռչունների մի քանի տասնյակ կիսաանապատային ու ալպյան ձևեր գնահատվել են որպես կրիտիկական վիճակում գտնվող, վտանգված կամ խոցելի տեսակներ:

Կաթնասունների տեսակներից վեցը, իսկ ձկներից՝ 4-ը էնդեմիկներ են: Առավել վտանգված վիճակում են գտնվում ընձառյուծը, հայկական մուֆլոնը, բեգոարյան այծը, խայտաքիսը, ջրասամույրը, մանուլը և այլն[11]:

ՀՀ Կարմիր գրքում ընդգրկված ողնաշարավոր կենդանիների տեսակների քանակը՝ ըստ կարգաբանական խմբերի և հազվագյուտության կարգավիճակի^[3]							
Կարգաբանական խումբ	Տեսակների ընդհանուր քանակը	Տեսակների քանակը					Տեսակների քանակը Միջազգային Կարմիր գրքում
		անհետացած	անհետացող	հազվագյուտ	կրճատվող	անորոշ	
Ձկներ	2		2	1			2
Երկկենցաղներ	1				1		
Սողուններ	11		6	4	1		7
Թռչուններ	67		20	34	13		3
Կաթնասուններ	18	2	3	6	6	3	1

Վերոհիշյալ փաստարկները խոսում են, միայն, այն մասին, որ օր օրի վատթարանում է բնության, կենդանական աշխարհի կարգավիճակը, որին առաջնային նպաստում են մարդիկ: Այսպիսով, պետք է հասկանալ և ընդունել, որ մեզանից յուրաքանչյուրը պետք է և պատասխանատու է բնության պահպանման և ոչ թե վերացման այլ զարգացման համար[2]:

Եզրակացություն

Ամփոփելով ամբողջ աշխատանքը՝ խոսեցինք երեխայի դաստիարակության, դրա մոտեցումների և տարբերակների մասին: Առանձնացրեցինք և ընդգծեցինք գրագետ կրթության դերի կարևորությունն ու նշանակությունը և որքան կարևոր է կրթական ոլորտում, բնապահպանության մասին դասերի առկայությունը: Բնությունը տիեզերքն է՝ իր բազմաբնույթ դրսևորումներով, որում ամեն բան սերտորեն կապված են միմյանց: Բնության մի մասնիկն է նաև մարդը, ով նույնպես կապված է շրջակա միջավայրի հետ: Այն մարդուն տալիս է այն ամենը, ինչ անհրաժեշտ է, և մարդն էլ իր հերթին պետք է ուշադրություն դարձնի նրա մաքրությանն ու պահպանմանը: Դրան կարելի է հասնել, եթե որպես զենք օգտագործվի կրթությունը հանուն կայուն զարգացման, որը կապահովի մարդկային հասարակության գոյատևումը բնական պայմանների ու պաշարների արդյունավետ օգտագործումը շրջակա միջավայրի որակի պահպանումը: Այդ կերպ էկոլոգիական մտածելակերպը կդառնա կենսակերպ և մշակույթ: Բնապահպանական կրթության գլխավոր խնդիրը շրջակա միջավայրի բնապահպանությանն առնչվող հարցերի վերաբերյալ իրազեկության բարձրացումն է: Եվ ինչպես ասել է Յոհան Գյոթեն, բնությունը կատակներ չի ճանաչում, այն միշտ ճիշտ է, միշտ լուրջ, միշտ խիստ է. սխալներն ու թյուրիմացությունները գալիս են մարդուց:

Գրականության ցանկ

Անատոլի Սահակյան – «Մանկավարժական մտքի պատմություն» [1]

Գրիգորյան Կ., Եսայան Ա., Ժամհարյան Հ., Էկոլոգիայի և բնության պահպանության հիմունքներ, Երևան, 2010 [2]

Բաբանսկի Յու. Կ., Պոբեդանոսցև Գ. Ա., Աշակերտների դաստիարակությանը կոմպլեքսային մոտեցում, Երևան, 1987թ.,[3]

Ա. Ե. Օլջաննիկովա, Հույզեր և դաստիարակություն, Երևան, 1985թ[4]

Վ. Դանիելյան , Բ. Գաբրիելյան, Ս. Մինասյան, Լ. Չիլինգարյան, Հ. Մելքոնյան, Ա. Կարախանյան, Պ. Թոզալակյան, Ա. Վանյան, Գ. Փիրումյան, Է. Ղուկասյան, Լ. Սարգսյան- Սևանա լճի էկոլոգիական իրավիճակի ինտեգրալ գնահատումը (GEO Lake Sevan) ԵՐԵՎԱՆ-2011 [5]

Мария Монтессори самовоспитание и самообучение в начальной школе[6]

Мудрик А. В. Воспитание / гл. ред. Давыдов В. В. — Российская педагогическая энциклопедия[7]

Ильинский И. М. Об элитарном образовании [8]

Александрова О. А. Образование: доступность или качество — последствия выбора [9]

Павлов Д.С., Савваитова К.А., Соколов Л.И., Алексеев С.С. Редкие и исчезающие животные. Рыбы. М.: Высшая школа. 1994. [10]

anahit75.wordpress.com/2014/07/10/ /բնապահպանական-կրթությունը-դպրոցում/ [11]